

Komuna e Malishevës/Mališevo

Đorđe (Milovan) Belić

(21.09.1937, serb nga Stepanica, komuna e Malishevës/Mališevo, nëntë fëmijë)

Đorđe ka qenë anëtar i SPS-it dhe deputet komunal. Gëzonte respekt në mesin e serbëve. Ka qenë në përbërje të forcave rezervë të MPB-së së Serbisë që nga viti 1981. Në mbrëmje, më **9.01.1998**, Đorđe gjendej me familjen e vet në shtëpi [Stepanicë/Stepanica]. Rreth orës 20:00, doli jashtë dhe u nis në tualet fushor, i cili gjendej në oborr, kur dikush shtëni ndaj tij duke e qëlluar për vdekje. Ka ndërruar jetë në vend. Trupin e tij e ka gjetur bashkëshortja Radmila. Policia serbe e ka kryer hetimin në vendngjarje.

Burimet: deklarata D.Đ, FDH-31214; KMDLNJ, *Buletini*, num. 6, janar - mars 1998, 152, FDH-23807; KMKRFJ, *Personat...*, FDH-10832; transkript, FHP, *Haški tribunal, Suđenje Slobodanu Miloševiću*, XVIII, 344-347; USCG KGDH, *Regjistri...*, FDH-8817; knjiga SMIP, *Teroristički...*, III, 904; Z. Stijović, *Kosmet...*, 103; ICTY, IT-02-54 (S. Milošević), EX.D 298.20.1, FDH-30848; *Čovek ubijen, selo čuti*, Ilustrovana politika, 24.01.1998, FDH-32136; *Salija, izadi ili čemo ti ubiti sina*, Ilustrovana politika, 18.04.1998, FDH-32147.

Nazif (Sinan) Bashota

(12.08.1959, shqiptar nga Bubavec/Bobovac, komuna e Malishevës/Mališevo, arkëtar, tetë fëmijë)

Nazifi punonte si arkëtar në RTV Prishtina. Në mëngjesin e datës **5.05.1998**, rreth orës 5:00, shtatë pjesëtarët e UÇK-së erdhën te shtëpia e familjes Bashota në **Bubavec/Bobovac**. I urdhëruan Nazifit që të nisej

me ta. Me të dolën jashtë, e çuan afro 100 metra larg shtëpisë dhe e vranë në rrugë. Po atë ditë, Nazifin e kanë varrosur në varrezat e fshatit.

Burimet: *Dnevnik od 5. do 11. maja*, Ilustrovana politika, FDH-32198; SMIP, *Teroristički...*, III, 910; ICTY, IT-02-54 (S. Milošević), Ex.D298.2.3, FDH-30899; USCG KGDH, *Regjistri...*, FDH-8817; KMKRFJ, *Personat...*, FDH-10832.

Mahmut (Daut) Kelmendi

(11.05.1929, shqiptar nga Balinca/Balince, komuna e Malishevës/Mališevo, murator, tre fëmijë)

Nazif (Smajl) Kelmendi

(15.04.1941, shqiptar nga Balinca/Balince, komuna e Malishevës/Mališevo, shofer, katër fëmijë)

Rexhep (Ismet) Kelmendi

(21.06.1982, shqiptar nga Balinca/Balince, komuna e Malishevës/Mališevo, nxënës i shkollës së mesme të mjekësisë)

Mahmuti, Nazifi dhe Rexhepi me familjet e veta jetonin në *Mëhallën Kelmendi* në Balincë/Balince. Nga fillimi i muajit mars të vitit 1998, nëpër fshat [në rrugë Prishtinë/Priština–Pejë/Peć] për ditë kalonin autokolonat e forcave serbe. Në datën **8.05.1998**, nga ora 15:00, gjatë kalimit nëpër fshat të një autokolone e forcave serbe, forcat e UÇK-së kanë hapur zjarr nga pylli mbi këtë autokolonë. Forcat serbe e kthyen zjarrin, së pari drejt pyllit, ndërkaq më pas edhe mbi shtëpitë e fshatit [Balincë/Balince]. Në ato çaste, Rexhepi dhe Nazifi po kujdeseshin për bagëtinë në livadh, ndërkaq Mahmuti